

JO. GOTTILIEB
HEINECCI, 62.902
JC. ET ANTECESSORIS
ELEMENTA
JURIS CIVILIS
SECUNDUM ORDINEM
PANDECTARUM,
COMMODA AUDITORIEBUS METHODO ADORNATA.
TOMUS PRIMUS.

EDITIO CÆTERIS ITALICIS

Longe auctior, & castigatior.



NEAPOLI MDCCLXIV.

Prostant. Venetiis

Apud JO. BAPTISTAM PASQUALI.
SUPERIORUM VENIA, AC PRIVILEGIO.

ERUDITO, ET ÆQUO

LECTORI

S. P. D.

J. O. GOT. HEINECCIUS, J. C.

MAJOREM, atque uberiolem in dies fructum capio ex instituto meo, jus civile revocandi ad sua principia, illudque non modo concinniore ordine, sed & ratione ad Tiroam captum accommodatiore explicandi. Quam enim auditorum meorum profectu nihil prius, nihilque antiquius habere soleam, neque ullum unquam mihi majorem vigiliarum mearum fructum proposuerim, quam ut iis, quantum in me est, prodessem; quid quæso contingere mihi potuisset jucundius, quid optabilius, quam quod *Elementis juris*, quæ secundum ordinem Institutionum Justiniani anno abhinc tertio adornaveram, aliquoties explicatis, adolescentes multo facilius, quam trita via, ad solidiorem principiorum juris intelligentiam pervenire animadverterim? Et si nemo est, quem non saturam sua manu arborum lætus aspectus, & flores amœnissimi magnopere delectent; quanto jucundius, quantoque suavius mihi esse oportuit, videre juvenes, qui se mihi institutos dederant, ornatissimos, solius propemodum ope methodi eos fecisse progressus, ex quibus spem possem concipere pulcherrimam, eos, si pleno gradu hac via pergere vellent, ad veram doctrinæ laudem feliciter aspiraturos? Noli, quæso, existimare, Lector humanissime, me vel spe, atque opinione mea deceptum hæc scribere, vel de me ipso quidquam prædicare velle arrogantius. Tantum enim abest, ut suavis error hac in re mihi illudat, aut mea mihi sor-

J. O. GOT. HEINECCI, J. C.
ELEMENTA JURIS CIVILIS
SECUNDUM ORDINEM
PANDECTARUM ADORNATA.

PARS PRIMA,

S E U

Π Ρ Ω Τ Α.

LIBER PRIMUS

TITULUS PRIMUS.

DE JUSTITIA, ET JURE.

- §. 1. Juris prudentia finis, & objectum. §. 2. Quid justitia? §. 3. An eam justitiam semper adsequatur JGtus? §. 4. Justitia expletrix, & attributrix. §. 5. Utriusque definitiones. §. 6. Justitia universalis, & particularis. §. 7. Commutativa, & distributiva. §. 8. Quid jus? Ejusque prima divisio in publicum, & privatum. §. 9. Utriusque definitiones. §. 10. Variæ juris publici species. §. 11. Privati juris fontes. §. 12. Jus natura, & gentium. §. 13. Jus gentium, vel primarium, vel secundarium. §. 14. Quid de his divisionibus sentiendum? §. 15. Quid Jus civile? §. 16. Vel scriptum, vel non scriptum. §. 17. Jus natura immutabile, civile non item. Hein. Pand. Tom. I. A §. 18.